



QUÆSTIO MEDICA,
QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM,

Die Jovis vigesimâ nonâ Januarii, 1705.

M. ANTONIO PEPIN,

DOCTORE MEDICO,

PRÆSIDE.

An Sanguis sui perfector?

I.



ANGUIS pretiosus est liquor, caloris nativi fomes & humoris primigenii: quôcumque influit, auram afflat verè vitalem & insitum ab ortu suscitât ac fovet vitæ germen & ad agendum impellit. Corporis stamina ducit ampliatque rore suo: ad debitam perducta magnitudinem exprimit ad vivum excisâ velut imagine & similium compendio studet perennitati totius quod sui dispendio alit. Nutritionis, accretionis, generationis auctor comminuit opes, ac substantiam impendit alioquin exhauriendam nî refarciatur. Illius jacturæ

occurrit alimentum quod assumitur in dies, non unum in se nec simplex sed multiplex & discors incredibili varietate partium quæ trituræ evolvantur, cōctione succos cum alibiles tum rejectaneos producant: illi quantum utilitatis intrò servati, hi tantum afferunt noxæ ni foras expellantur. Temere credulus est & eruditionis ementitæ fūco delusus, qui tetur adornari salivâ fecus ac potu alimenta, hospitante in ventriculi rugis fermento turgentia in subalbidum verti liquorem, quem bilis conditio quasi congregiendi tempore cum succo pancreatico magis elaboret in intestinis, Vestalis in corde micans ignis accendat derepente & in coccineum commutet. Tot miracula salivæ, bilis succique pancreatici triumviratui tribui solita, tot fermenta seu ingerendorum maturitati, seu egerendorum secretioni ingeniosè commenta credat Judæus apella, non ego, mirator simplicitatis naturæ tantam operum stupendorum varietatem uno sanguine perficientis.

I I.

QUANTÆ molis est ad vitam refici ac expurgari sanguinem, tantæ cudi officinas in quibus concinnetur, incernicula quibus defæcetetur. Sui caput rudimenta in ventriculo, in omni vasorum genere expolitur: quàm lutulentus fluit è ventriculo in vasorum conceptacula rursùm in iis incudi reddendus, tam putus exit è vasis in partium intervalla incuneandus inibi ac cogendus. Puritatem nanciscitur colorum ope in quæ recrementa protrudit & per quæ foras expellit: in oris corporis velut fluminis sanguinei ripis providentissimè locata sunt ad eluendas sordes intestina, renes, pancreas, lien, hepar, tonsillæ, uvula, lingua, palatum, nares, oculi, aures, cutis universa. Ut cerebro circumjecta sensuum organa pateant velut emissaria, stillantium tamen ex iis humorum fontem cerebrum ne putes. Malè creditum est septemfluum instar Nili, pervium vaporibus sursum elatis, imbris in modum per ossa cribriforme & cuneiforme deorsum mittendis: uni sanguini licet ad sacram palladis arcem ascensus & ex eâ descensus. Ventriculus & uterus functionum nobilitate commendabiles exitum non negant muco, bili, sero, sanguini malè feriato: pulmo ipse mirabilis anthlia reciproco motu aërem sanguini sufficit cum æthere vegetum, vietum cum halitibus ac sputis excludit. Conspirant amicè tot cribra societate officiorum, sui suppleant sæpènumero vices, loca sunt conferentia in quæ fæces cujuscunque generis è sanguinis contubernio tacitâ motus lege divertunt.

I I I.

SANGUIS flumen est multiplici alvei divortio sectum per canales innumeros quibus à corde diditur quoquo versum, vel minimæ inspergitur parti, illuc unde scaturit constanter recurrens. Miræ fluiditatis est, per cæcos corporis marandtos, per dædala viarum diverticula aëris & ætheris intercurrentium adminiculo meabilis, temperati caloris pati coquentis operâ utilem & inutilem humorem, pati secermentis. Chylus compages alimentorum soluta gratâ vice liquoris multi æmuli sanguineum confluit in flumen, fervet cum eo simulque fertur ad extrema:

ferendo tenuatur, subigitur & ita totus immutatur, partim ut induat purpuram sanguinis, partim naturam recrementi. Chyli portio textu, mole, figurâ, pondere motuque consimilis sanguini confociatur cum illo, fluxam ejus refarcit substantiam, languentem erigit ac intendit motum interiorem, unde calor vitalis vegetior & uberior: quidquid chyli superest dissociabile, petit sanguinis superficiem velut obex intestini motus, circulari gradatim truditur ad vias convenientes vacuationi naturali quâ sæx omnis exigitur & sua sanguini puritas aservatur. Hæ sunt motus leges omnino simplices quarum tenax necessitate naturæ sanguis seipsum perficit, concoquit quod concoqui, excernit quod excerni est habile. An interior sanguinis motus sit fermentatio necne, lis est sub judice: hanc dirimit in febribus violentus sanguinis motus qui fermentationis audit nomine & solis distat quasi magnitudinis gradibus à naturali: ut igitur naturalis sanguinis calor vertitur in igneum, igneus redit in naturalem; sic ex quo is calor existit, naturalis sanguinis motus interior abit in violentum, violentus redit in naturalem, qui proinde non secus ac ille fermentationis appellatione dignandus est.

I V.

FERMENTATIO & circuitus dispares inter se motus, in sanguine fæderati mirè sibi consonant, non officiunt. Hic ne dum infirmer calorem ex illo natum, indefinenter renovat perseverans, præpeditus illico restinguit: ille vicissim caloris stimulos pensat circuitus incitamentis, singulas sanguinis partes disjicit, disjiciendo incidit, incidendo reddit mobiliore; diceret ex utroque factum sanguinis velut maris æstum fluctus agentem in littora præcipites. Qui debetur ex æquo circulari & intestino motui calor, varias subit annorum decursu vices, fugacior est in pueris, tenacior in adultis. Scilicet sanguis ad ejus ex quo fit alimenti, se componit indolem, liquefcit molliori, duratur firmiore: quin & induit illius dotes & in corpus ipsum transmittit; hircum olet si quis Thebanus alter athleta caprinâ carne vescitur. Ut sanguis sapit instar alimenti, sic confusus est ex illo potuque liquor, materiæ quæ ipsis inest variæ multiplicisque ferax, aqueæ, terrestris, mucosæ, pinguis, salæ & omnigenæ: diluta est fero sanguinis ut nitrum, sulphur, alumen, vitriolum, ferrum aquis medicatis. Quamcunque decumbat in partem divortium factura, singulorum jacit sementem excernendorum ut ut prodigiosa sint, quales topi, vermes, calculi in cerebro, podice, linguâ, palato vel alibi, nubes in oculo, sobolescentes in corde polypi, miliiformes in cute sudores & ex iis concrecentes arenulæ, uno verbo, surgentes in corpore scirrhii & qualescunque stolones. Qui criminatur partes fructuum tot infelicium parentes, perinde facit ac puer qui terram verberat in quam cecidit. Gaudeat forte suâ bene natus, cujus ea vis est sanguinis, is motuum nîsus quo despumare se decenter valeat propriæ vindex puritatis indefessus.

V.

QUISQUIS igitur naturam studet operantem imitari, non altius sapiat quam quod sensus & ratio commonstrent. His si ducibus in-

quirat unde vita & vitæ tutela, noverit eorum face parentum semen propter hominem formandum, sanguinem propter alendum, utrumque vivens vitâ quam impertit. Ex felici feminum conjugio discet cur hominem homo generet, marem, fœminam, vel androgynum: parentes referant ore, moribus, ingenio nati, virtutum ac vitiorum animæ corporisque fiant hæredes ex æquo. Hominis natura labilis & caduca rueret citò, ni generatione propagata firmaretur alimento: inditi propterea ut veneris, sic famis & sitis sensus à cæteris discreti. Quæsitâ his instigatoribus cum potulentis esculenta rupto dentibus mixtionis vinculo, solutis partibus actuosius incipiunt in ventriculo ceu hypocaufto calefieri, turgescere, elixari, adeò ut quò temperatiora æquabili principiorum concentu, calidior intra modum ventriculus, eò felicior sit prima coctio, eliquatior chylus, diditu facilior, caloris & spirituum ubertate generosior, sui cum sanguine miscellâ sanguis mox futurus. Qui coepit in ventriculo motus interior chyli, scanfili per iteratos partium impulsus ad cor motione incitatur, torrente sanguineo cum adipiscitur incitationis gradum quo utilium & inutilium cruditas emendatur, maturitas acceditur, secessio procuratur. Quamobrem in bijugo & concorde sanguinis motu sita est indocta, scitè velut agens natura cujus imperio corpus humanum gubernatur, coctiones & vacuationes naturales absolvuntur: cujus efficientiâ similiter vacuantur in adverso valetudinis statu qualia vacuari oportet: quippe ubi inofficioso colorum otio premitur excrementorum mole, irritabilis insurgit adversum ea, luctatur, tumultuatur, donec vim viribus exiens inimica tela retulerit, fregerit, expresserit, victrix tandem domesticum hostem profligarit, morborum proinde dicta jure medicatrix.

Ergò Sanguis sui perfectior.

Domini Doctores disputaturi.

*M. Michaël Ludovicus Re-
neauve de la Garanne, è Re-
giâ Scientiarum Academiâ.
M. Ludovicus Demondiers
Dugué.*

*M. Raymundus Jacob Finot,
Scholarum Professor.*

*M. Claudius Berger, è Regiâ
Scientiarum Academiâ.*

*M. Philippus Bernardus de Bor-
degaraye.*

*M. Jacobus Simon Gilles de la
Rivière.*

M. Claudius Quiquebœuf.

M. Bertinus Simon Dietuxioye.

*M. Joannes Boudin, Serenissimâ
Delphini Principis Medicus
primarius.*

Proponebat Parisiis JOANNES - BAPTISTA ENGUEHARD,
Constantiensis, Baccalaureus Medicus. A. R. S. H. 1705.

Apud Viduam Francisci Muguet, Regis & Facultatis Medicinæ Typog.